

Мўътабар уламолар юртимизга ташриф буюришади



14:45 / 11 октябрь 489

2024 йил 15-16 октябрь кунлари Тошкент ва Хива шаҳарларида «Ислом – тинчлик ва эзгулик дини» номли халқаро конференцияга ташриф буюрадиган мўътабар уламолар ҳақида маълумотлар:

Шайх Муҳаммад Аввома

Ибн Халдун университети доктори

Замонамиз муҳаддисларидан бири – шайх Муҳаммад Аввома ҳазратлари Суриянинг Ҳалаб шаҳрида ҳижрий 1385 (милодий 1939) йили таваллуд топган.

Илм талабини 12 ёшида бошлаб, шайх Абдуллоҳ Сирожиддин ва Абдулфаттоҳ Абу Ғудда каби олимларни маҳкам тутди.

Шайх Муҳаммад Аввома таълим муассасаларини битирганидан сўнг ҳам асло устозларидан узилмаган, илмий масалаларда доимо улар билан маслаҳатлашиб, насиҳат ва кўрсатмаларини олиб турган. Устози шайх Абдуллоҳ Сирожиддин билан 50 йил, шайх Абдулфаттоҳ Абу Ғудда билан 45 йил давомида вафотларига қадар доимий алоқада бўлиб, дуоларини олиб турган...

Батафсил маълумотлар ушбу ҳаволада:

<https://islom.uz/maqola/8087>

<https://islom.uz/maqola/8235>

<https://islom.uz/maqola/8108>

Шайх Салоҳ Абулҳож

Бутунжаҳон ислом илмлари университети профессори

Ислом илмлари халқаро университети, ҳанафий фикҳи факультети мудир, устоз доктор Салоҳ Муҳаммад Солим Абул Ҳож Иордания давлатининг Уммон шаҳридаги Сувайлиҳ минтақасида 1974 йилда туғилган.

2002 йили Бағдод университетининг шариат факультетида ҳанафий фикҳи бўйича олий баҳо билан докторлик даражасини олган.

2006 йили Иорданиядаги Балқо амалий университетининг усулуд дин факультетида ёрдамчи устоз вазифасини эгаллаган.

2011 йили Иорданиядаги Ислом илмлари университетидаги Шариат ва қонун факультетида доцент лавозимига эга бўлган.

2016 йили Иорданиядаги Ислом илмлари университетидаги Шариат ва қонун факультетида профессор лавозимини эгаллаган...

Тўлиқ маълумот

Доктор Муҳйиддин Муҳаммад Аввома

Дорул ҳадис ал-Аввомия маркази раиси

Доктор Муҳйиддин Аввома 1976 йили Ҳалаб шаҳрида таваллуд топган. Отаси шайх Муҳаммад Аввома билан Мадинаи мунавварага келганида уч ёшда бўлган. Сўнг Мадинани ватан тутиб, барча таълим босқичларини ўша ерда таҳсил олган.

12 ёшида Қуръонни тўлиқ ёд олиб, олий санад билан ижозага эга бўлган.

Муҳйиддин Аввома ҳадис, фикҳ ва усулуд фикҳ бўйича 3 та фан доктори унвонига эга.

Илмда отасининг йўлидан юриб, аввало, қадимий услуб – Қуръони каримни ёдлаш, Пайғамбаримиз алайҳиссаломнинг муборак суннатларини ўрганиш ва амал қилиш услубида, сўнг замонавий академик услубда давом эттириб,

даврининг етук устоз ва олимларидан ақида, фикҳ, усулул фикҳ, ҳадис ва араб тили каби фанлардан мукамал таълим олди...

Тўлиқ маълумот